

Payí Pitao r'wíyo eaḡnarini.

Payí rina áma Jisasomi diḡ wíkwíroarig'á wí eḡ nimóniro ḡweaḡáy' nání Pitao r'wíyo eaḡnarini. O Jisaso wiepísagowa worini. Jisaso ríxa aḡnamí nipeyimána xwiogw' ríxa obax' nípwemáná eḡaná mimón' uréwapiyarig'áy' obax' Jisasoyá siyik' imónig'áyo n'wímearo xeḡw'ni xeḡw'ni re urarig'ápi nání, “Jisaso xwiogw' obax' yómiḡ néra nurí nání ámi n'weapin'ámani.” urarig'ápi nání Pitao ar'á n'wirí ay' mimón' uréwapiyarig'áy' urarig'ápi r'wím'ni mamoro Jisaso neaímeaḡ m'kone uríḡwápi aniḡ' íá xiriro é'rixiniri payí rina niri' eaḡrini. Pitao x'omi Romíyo dán' p'ikip'ri aḡwi e eḡaná eaḡrini.

¹ Saimoni Pitaoni —Nioni Jisasi Kiraisoyá xináín'niḡ nimóniri omiḡ wiiri wá' wurimeiri yariḡwáy' wonirini. Nioni payí rina seyíne Gorixoyá diḡ' t'ni diḡ' wá' wurimeiaríḡwáone íá nixirirane wíkwíroaríḡwápi íá nixiriro wíkwíroarig'áy'ne nání —Seyíne wé róniḡ Jisasi Kiraiso —O neg' Nw'á imóniri yeáy' neayimixemeaariḡo imóniri enorini. Seyíne wé róniḡ o imóniḡpimi dán' diḡ' wíkwíroarig'áy'nerini. Seyíne nání payí rina neari mónapariḡini. ² “Nij'á seyíne Gorixo t'ni neg' Áminá Jisaso t'ni awaú nání imónig'ápimi dán' Gorixo wá ayá wí seawianiri seyíne

nīwayiróniro ŋweapírí nání ayá wí seaiirí éwiniḡini.” nimónarini.

“Gorixo e imónífrixiniri fá yiyamiximí neaijenerini.” urijí nánirini.

³ Ŋwá imóniŋo xegí eŋí sixí eánirijípi t́ini xixeni neri amipí nene diŋí niyimijí imónirane siwí áamá omi píranijí nixídiróná epaxípi erane yaníwá nání imónijí nípini rixa neaiapijirini. Apiaú e yaníwá nání nijíá o —O seáyí e imóniri siyikwí míní íkwirániŋí imóniri eŋípimi dání nene eni axípi imónífrixiniri wéyo fá neaumirijorini. Nijíá o nání xixeni imóniŋwápimi dání amipí api neaiapijirini.

⁴ O seáyí e imóniri siyikwí míní íkwirániŋí imóniri eŋípimi dání “E e niseaiimíáriní.” nearijípi —Api seáyí e imóniri ayá t́ijí imóniri eŋípirini. Api rixa neaiijirini. Áamá pikianiro yaríná nurakínarimi warigíápa íeapá áamá xwá t́yo ŋweaŋwaéne nīneainiríná xwiríá neaikixearijípimi dání nurakínarimi uro Gorixo imónijípa axípi imóniro epírífa nání e neaiijirini.

⁵ Nene o imónijípa axípi e imónífrixiniri api nípini e neaiijí enagi nání seyíné ríwí siwíá miyí níríkwíniro sini diŋí nīwíkwíroróná wé rónijí ero wé rónijí neróná Gorixo áamá xfoyáyí e éfrixiniri wimónarijípi nání píranijí nijíá imóniro ⁶ api nání nijíá nimóniróná nípíreániri ero nípíreániri neróná sipí seaimeaarijípimi xwámámí wiro xwámámí nīwiróná siwí áamá Gorixomi píranijí nixídiróná epaxípi ero ⁷ api neróná séríxímeáyo ayá urimíxiro ayá nurimíxiróná áamá niyoní diŋí

sipí wiro éfrixini. ⁸ Ayí ripi nani rariñini. Seyíne nioni “E e éfrixini.” searíá api tñi xixeni nepa nero sayá nimíxa nurónáyí, síwá réniñí inarñoi, “Nijíá nene negí Áminá Jisasi Kiraiso nani imóniñwápi suríma wí mimónini. Íkíá ná m+wé oxí roariñíyñiñí mimóniñwini.” síwá éniñí inarñoi. ⁹ Ayí ripi nani eni rariñini. Ámá “Goríxoyaénerini.” niriñiro aí nioni searíá api m+yariñgíáyí, ayí íwí eníná yagíá Jiaso yokwarímí wiñípi nani ríxa diñí aríá nikeamoro nani ámá siñwí agwí uparíñgíarani, siñwí suparíñgíarani, imóniñgíapa axípi imóniñoi. ¹⁰ Ayínani gí niriñímeáyíne, seyíne “Goríxo nene íá yiyamíximí níneairí íá neaumiriñenerani?” niyawiñiro ipimóniñpíri nani nioni searíápi aniñí niyaxídiñro píraníñí éfrixini. Ayí ripi nani rariñini. Api íá niñiñiro néra nuróná wí nóreámioapírfámani. ¹¹ Seyíne nioni searíápi íá niñira nuro xixeni nerónáyí, negí Áminá Jisasi Kiraiso, yeáyí neayimíxemeañño xegí xwioxíyo aniñí íníná neamenñweañfe páwíáná yayí níseameríñá aga yayí óí seaeáníñfáñini.

¹² Ayínani seyíne nioni agwí searíápi nani ríxa nijíá imóniro xwiýfá nepaxiñí imóniñí none searéwapíyíñwápi xaiwí íá xiriñro yariñagíá aiwí seyíne api nani diñí seainíñfa nani íníná diriñí oseaiyimíñiri nani ipimóniñini. ¹³⁻¹⁴ Ayí ripi nani searariñini. Negí Áminá Jisasi Kiraiso áwaní niriñípi tñi xixeni gí diñípi niniwárimí uníá añwi e enagi nani sini gí diñípi niniwárimí mupa eními xwiýfá api seyíne ámi diñí síxí

oínþpoyinri dirirí seaimi nání “Aniñf miní nisearirínáyí, nanjirini.” nimónariní. ¹⁵ Ayf rípi searariñini. Nioní ríxa penámi ríwíyo xwíyá searí apí ámi dñf yaikiropaxí imónipríta nání aniñf miní sñwíránñf niyaxídri osearimniri rariñini.

“Jisaso nikíniri rojáná winñwáonerini.” urñf nánirini.

¹⁶ Negf Áminá Jisasi Kiraiso enf neániri weapínápi nání áwanf niseariranéná negf dñf tñi bi misearñwanigini. Piyñf ikayíwí ámá wigf dñf tñi éwapínarígápi bi eni misearñwanigini. Xfo nikíniri ñweañáná sñwí winarowáone searñwanigini. ¹⁷ Ayf rípi nání searariñini. Negf ápo Goríxo omi seáyí e numfeyoari wé íkwianwíyo nñwiráriríná xfo, ikínígíá niyoní seáyí e wimóniño añnamí dání re rínénarñiniginí, “Gf dñf síxí uyíñá ro nání aga yayf seáyími dání ninarini.” rínénaríagi ¹⁸ none dífwí ñwáfipimi o tñi nñwearanéná newanñone arfá tíyo dání arfá e winñwanigini. ¹⁹ None apí searñwáone aiwi xwíyá Kiraiso nání wíá rókiamoagíawa niri e agfápi —Apí añipaxí “Neparini.” yaiwipaxí imóniñpíriní. Xwíyá apí eni tñwaénerini. Uyíwí sfá yinñfmi wíá okímíxarñfpa wíá rókiamoagíawa niri e agfápi axípi ríwíyo imónínápi nání wíá neaókímíxiyimniri nání neaiiarñagi nání símímanfyo tñfrixini. Awa niri e agfápi Jisaso ámi nweapírná wánñf nóga unfe nání uyíwíññf wíá neaókímíxiya unfáriní. Íná ímiáonñf weaparñagi nwiníranéná xwíyá xfo

weapiníápi nání rininípi negí xwioxíyo dání wíá neaókimíxiníáriní. ²⁰ E niseariri aí rípi nání “Ayí nepariní.” yaiwíríxiní. Wíá rókiamoagíáwa niri-ro Bikwíyo eagíápi bí negí díníyo dání “Míki ápi nání iyí ririní?” yaiwipaxí mimóniní. ²¹ Wíá rókiamoagíáwa niri-ro nearíná ámá wayá díníyo dání niri-ro meá Gorixoyá kwíyípi ukíkayóíyo dání xwíyíá oyápiní nira ugíá enagi nání searariní.

2

“Mimóní searéwapíyarígíáwami Gorixo pírí umamoníáriní.” uriní nániríní.

¹ Eníná aríowéyí wí mimóní wíá rókiamoarígíáwa nimóniro wigí ámayo yapí uréwapíyagíápa axípi segí imónígíáyí wí mimóní searéwapíyarígíáwa nimóniro ínimi nimónimáná xwíyíá nepa mimóní ámá nixídironá xwiríá ikixénipaxí imóninípi nisearéwapíyironá Ámináo niperinípimi dání ayo uroyíroní enagi aí omí ríwí umopíríáriní. E nerinípimi dání apaxí mé wiárí xwíyíá meárinípíríáriní. ² Uyínií yapí searéwapíyaníro epíríáyí epíríá axípimi segí ámá obaxí xídípíríáriní. E yaríná ámá Jisasomí díní míwíkwíroarígíáyí óí Gorixomí nepa xixení xídípírí imóniníyi nání ikayíwí meárinípíríáriní. ³ Ámá yapí seáiwapíyaníro epíríáyí síñwí íwí winárarígíáyí enagíá nání yapí niseáiwapíyirinípimi dání segí amípí íwí searápíríáriní. Xwíyíá Gorixo eníná dání “Ayo xwíyíá numeáriníná e wikárimigini.”

yaiwiáragípi síní piyáá mīwenini. “Xwiráá niwikixeríná e wikixéimigini.” yaiwiago sá mīwenini. ⁴ Ayí ripí nání searariñini. Eníná aññají wa íwí éáná Gorixo axípi xe ámi ámi érixiniri síñwí mīwiní mīmenñwí meárinipírte nimamówáriná sáá xto pírf umamonfáyi nání siririkí sáá anñí yinarinñiyómini wáriniginí. ⁵ Ámá eníná xwáá rírími niñwearóná rikikiríó yagíá níní ení Gorixo xe anñí e nero ñweárixiniri síñwí mīwiní xwiráá niwikixeríná xfoyá dñí tñí iniigí waxí níróga niwiápnimeari ayo nipikiri aiwi Nowaomi —O ámá ayí ayo “Wé rónñí imónñí Gorixo wimónariñipi apírñani?” oyaiwípoyniri wá uragorini. Omí tñí xegí ámá wé wíumi dání waúmi tñí Gorixo yeáy wimiximeañiginí. ⁶ Eníná ámá añí Sodomi tñí Gomora tñí apiaúmi ñweaagfáyo ení Gorixo xwiyáá numeáriná “Síní bi tñí ñweapaxíymani.” niyaiwirí añí apiaúmi ríá mamówáraná ríá niñwáriní uráwini imónñiginí. Gorixo e niwikárinipimi dání ayí tñí e íná dání ámá xto wimónariñipi mīxídarigfáyo síñwepigí niwiri nene ení axípi neáimeañiginiri éf owininiri erirí wiñiginí. ⁷ Ámá añí apiaúmi ñweaagfáyo e niwikáriní aiwi Rotomi —O ámá wé rónñí worini. Ámá añí apiaúmi ñweaagfáyí rikikiríó ayá wí yariñagfa niwiniri nání dñí ríá uxerorini. Omí ení Gorixo yeáy wimiximeañiginí. ⁸ Ámá wé rónñí o ámá ayí tñí nawíní niñwearíná ayí ríá kiroarigfápi síñwí winiri arfá wirí neríná sá

ayí ayo íkíniní sîpí wirí dîñí ríá uxerí yagí enagí nání rarîñiní. ⁹ Gorixo sîñwepigí e e yayiní enagí nání nene ananí dîñí re yaiwipaxírîní, “Ámináo áamá xíto wimónarîñîpimi xídarîgíáyo íwí éríxîxîní wîkárarîgíápimi dání ananí yeáyí wimîxîmeapaxírîní. Áamá wé rónîñî imónîñîpî mîyarîgíáyo sía xíto áamá nîyoní mí ómómîxîmí eníáyi tíñî e nání ananí pîrîf numamóa nurí awí umenweapaxírîní. ¹⁰ Áamá sîwí piaxí weánîpaxí imónîñî íeapá winarîñîpî oyaneyîñîro nîponîga uro seáyí e umenweagíáyo paimîmí wîro yarîgíáyo anîpaxí sía ayí tíñî e nání pîrîf numamóa nurí awí umenweapaxírîní.” Nene e yaiwipaxírîní.

“Mimóní searéwapîyarîgíáwa sîpí rîpî rîpî yarîgíáwarîní.” urîñî nánîñî.

Mimóní searéwapîyarîgíáyo “Nioní aríki yaríná apî nímeanîrîenîñî?” mîyaiwí ayá nepeárîmáná wigí dîñî tíñî nîxídíro anîñají seáyí e wimónîgíáwamî ikayíwí numearîroná ení óf bî yarîgíámaní. ¹¹ E yarîñagía aí anîñajowa —Awa áamá ayíyá ení sîxí eánîgíápimi seáyí e wimónîgíáwarîní. Awa seáyí e nîwimónîro aí Ámináooyá sîñwí tíñî e dání xwîyíá nuxekwîmoríná ikayíwí bî umeararîgíámaní. ¹² Áamá ayí nanwîñîñî imónîñî. Nanwîyí wí dîñî nenwîperî mîmonîyîrîñî. Sa áamá íá nîxero pîkipírîfa nání miarîñîyîrîñî. Nanwîyí dîñî ríá nîxeyánîrî yarîñîpa áamá ayí ení axîpî e nero amîpí ayí majíá imónîgíápî nání ikayíwí meararîgíá enagí nání áamá nanwîyo pîkiarîgíápa

ámá ayo eni Gorixo wanínimixínfáriní. ¹³ E yaríná áamá omiñf egfápi nání nígwf meariñfápa áamá ayf eni axípi wígf sipí egfápi tñní xixeni wímeanfáriní. Ikwáwiyíná aí pí pí feapá winífpí sa “Ímí tñní oyaneyí.” n#wimóniro yayf néra warígfáyfíriní. Ayf seyfné tñní nawíní nerimeániro aiwá sfañf n#n#róná wígf feapá winaríñfpí ayá wí nero seyfné syikwíníñf n#seaxéníri nání ayá onimíá m#seainaríñfíriní. ¹⁴ Apíxí í í tñní fwf oinaneyíníri ero fwf nání wimónaríñfpí wí m#wáramó ero yarígfáyfíriní. Ámá Jisasomí dñf n#wíkwíroro aí siní n#píkwíní dñf aumaúmí minígfáyo nene yaríñwápa axípi oépayíníri wipiomeariñfáriní. “Ámáya amípi apí nioní meapaxfíriní.” n#yaiwiro éwapígf inarígfá enjagí nání Gorixo “Ríxa xwírfá wikíxéimígní.” ráriníyíriní. ¹⁵⁻¹⁶ Ayf óf Gorixo oxídfpoyíníri wimónaríñfyimí pñní n#wiárímí xaríxaríníñf néra xenwímíní nuro nání eníná sipí wfá rókiamoagí Beramoyí rñníño —Omi xano Bioríní. O yagfípmí ikaníñf yarígfáriní. O nígwf nání aga ayá wí n#wimóníri nání “Pí pí sipí imóníñfpí aí nerfná nígwf n#mearí nání ayf ananí emínní.” yaiwiagoríní. O áamá wo ríxíñf re uráná, “Isíreríyí Goríxomí rfwf numero ñwfá xegf bí imóníñfpímí xídfíprí nání ikayfwf tñní uramíxeí.” uráná o “Nígwf meámíníri nání ananí sipí apí oemíní.” yaiwiarfná dogí xwíyfná nání n#jfná mímóníñf aí wo áamá xwíyfná n#rírfníñf axípi n#rírí m#xí nuríri wfá rókiamoaríño dñf rfná n#xeyánímáná “Oemíní.” yaiwiaríñfpí p#r# wiaíkmóníñígní.

17 Ámá ayf iniḡḡ simiḡf ná miwé yeáyf yáriḡyíniḡf imóniro kipiḡf niyirfná agwf kfkfá yáraná iniá ná meá ámi imiḡf niḡipemi warḡḡpániḡf imóniro enḡḡfá nánf siriríkḡ aniḡf sfá yináriḡyí ayf nánf rixa aniḡf meaxárfó yárinini. 18 Ayf rḡḡf nánirini.

Ámá ayf “Nionf pí pí niḡnimónirfná ananif emfni.” niriḡro weyf e niḡmearinirḡḡpimi dánf ámá óf xerwfmni nufasáná pni niwiárimf Jisasomf dḡḡf wkwfiroarigfáyf tñf iwamfó kumixinaniro yarigfáyo wiwapiyarigfárinif. fwf nene yarḡḡwáḡf axḡḡf oépoynirf wipiomearo feapá wiwanḡḡyí winḡḡpimi dánf sipí oépoynirf wiwapiyiro yarigfárinif.

19 Niwipiomearfná fwf wiwanḡḡyí yarigfáḡḡ gwf fánḡḡf uxirárḡḡḡḡf aí mimáyo dánf re seararigfárinif, “Seyfné nene yarḡḡwáḡf axḡḡf neróná wí gwf fánḡḡf seaxiripaxf menini.” seararigfárinif. E seararḡḡḡḡf aí ámá fwḡḡf nánf aniḡf mḡrogwfnḡḡf nanirfná ayf rixa gwf fánḡḡf uxirárḡḡḡḡf nánf rarḡḡḡḡf. 20 Ámá negf Áminá Jisaf Kiraiso —O negf yeáyf neayimixemeaarḡḡḡḡf. Ámá o nánf niḡḡfá imónḡḡḡḡpimi dánf siwf amḡḡf xwfá tḡyo ḡweḡḡfáyo piaxf weánarḡḡḡḡpimi niwiaikiárimf numáná ámi axḡḡf nero nánf apimi gwf fánḡḡf uxirárḡḡḡḡf nerónáyf, ayf sipí rfwfyo imónḡḡḡḡḡḡf xámf imónḡḡḡḡḡḡf tñf xixeni imónḡḡḡḡḡḡf. 21 Ámá ayf óf wé rónḡḡf imónḡḡḡḡḡḡf nánf snf niḡḡfá mimónḡḡf nero siḡwiriyf, sipí ayá wí wimeáminirf enḡḡḡḡf

wímeapaxí aiwi óf wé róniηf imóniηfyi nánf nifiá nimónimáná sekaxí ayá tñf none seariηwápi niwialkiro ríwímiñf mamoarigfa nánf sipi imóniηf ámi bñ tñf ná seáyf e wímeanfárinñ. ²² Ewayf xwiyfá nene íníná re rinaríηwá rípiáú tñf xixeni yarigfárinñ, “Síwí xwirfá nidárimáná ámi nurf manariηfrinñ. Odipi áma wayf píraníηf niroárimáná enáná ámi xwiríηwáyo gñif inariηfrinñ.” rinaríηwápiáú tñf xixeni yarigfárinñ.

3

“Jisaso ámi niweapimfárinñ.” uríηf nánirñi.

¹⁻² Gf ññf sixf seayináyfné, xwiyfá wíá rókiamoagfáwa —Awa Gorixo “E érixinñ.” wimónariηfpiñf oyaneyinñf yagfáwarinñ. Awa eníná niriro eagfápi tñf sekaxí amipi Ámináo, yeáyf neayimixemeaaríηo ríηf wáf wurimeariηwáone seariηwápi tñf xwiyfá api seyfné ámi ññf sixf níniro píraníηf omópoyinñf dirírf seaimf nánf eníná payf wina nearf mónapíηanigñf. Agwi enñ axípi nerf ámi wina nearf mónapariηñf. ³ Xwiyfá nepa imóniηf rimf rípi nánf “Ayf anípaxírfani?” yaiwírfrixinñ. Síá yoparfyf tñíná áma ríperírf seamepírfáyf seyfné wé róniηf yaríηagfa niseaníro wigf íeapá winariηfpi níxíðíro nánf ríperírf niseamero ⁴ re searípírfárinñ, “Segf mimáyo dánf ‘Ámi niweapimfárinñ.’ seariηfyf ríxa ná gi weaparñf? Negf ápowa ríxa pegfámi aiwi amipi xwíarí tñf anína tñf iwamíó imóniηe dánf imóniηfyf sinñ axípi imóniηagi

nání searariŋwini.” searipíríárini. ⁵ Riperirí e niseariróná rípi nání diŋí arfá ikeamopíríárini. Eŋíná Gorixo xwiyfá ráná aŋfna imóniri xwáfari iniigfyo dání nimónirfná iniigfyo ínimí eŋe dání siŋáni imóniri eŋirini. ⁶ Iniigf tñni eni Gorixo xwfá íná imóniŋírí “Xwirfá oikixeni.” ráná iniigf waxí níróga niwiápínimeari áamá xwáfárimí ŋweagfáyo anfnimixiŋí aiwi api nání arfá nikeamoro riperirí searipíríárini. ⁷ E neríŋí aiwi aŋfna tñni xwáfari tñni agwi ríná imóniŋípiáú xwiyfá axoyápimi dání rfá nfwiniŋiniri rárinini. Sfá áamá xfo wimónariŋípi míxídarigfáyo xwiyfá numeariri wanfnimixinfáyi imóníe nání rárinini.

⁸ E nerí aí diŋí sixí seayináyfné, seyfné searimí rípi nání rfwí mukinimopani. Gorixoyá siŋwíyo dání xwiogwí 1,000 nípweri aí sfá ná wiyiníŋí óraríŋírini. Sfá ná wiyini nóriri aí xwiogwí 1,000 niŋí pweariŋírini. ⁹ Ámináo noneyá mimáyo dání “Ámi niweapimfárini.” neariŋípi nání áamá wí “O ríxa miweapí yómíŋí yarini.” yai-wiarigfápa axípi e miyarinini. Nene nání weníŋí nerí ŋweani. Yómíŋí ayí rípi nání yarini. Áamá wí maníŋipa ero nñni wigí fwí yarigfápi rfwmíni mamoro éríxini nání sini yómíŋí yarini.

*“Xwáfari tñni aŋfna tñni rfá nowárinfárini.”
uriŋí nánirini.*

¹⁰ E nerí aí sfá o ámi niweapínfa nání Ámináoayái riníŋíyi “Áamá fwí meámíŋiri rfá barini?” miyaiwí maiwí ŋweaŋáná wímeaariŋípa sfá ayi eni axípi e seaímeanfárini.

Sfá ayi anj pírí iwí tñi ríá nñiri anipá imóniri amipí anj píríyo dáni wíá ónarinjíyí nñi rímmeninjwí neániríná ríá nowárirí xwíarí tñi amipí xwíáyo yarinjyí tñi nñi ríá nñiri yayimí yowárirí eníarini. ¹¹ Api nípini ríá e nowáriníá enjagi nání seyíné áamá Goríxo wimónarinjípimi xídiro wé róninjí imóninjípini ero yariǵáayí yapí nimóniro axípi érixini. ¹² E nerónáyí, sfá Goríxo Biníái rininjíyi “Gíná parímoníarini?” niyaiwiro anjini ayí rírixáinjí nero mónaparinjoi. Sfá ayimíni anjna ríá nowárirí anj píríyo dáni wíá ónarinjípi rímmeninjwí neániríná íkimimí eníarini. ¹³ E nerí aí xó símímanjío dáni nearinjí enjagi nání nene anj sínjí wina tñi xwíá sínjí wirí tñi imóniníapiaú —Apiaúmi wé róninjí imóniǵáni njweapírápiaúrini. Apiaú nání weninjí nerí njweanjwini.

“Awíninjí rónírixini.” urinjí nánirini.

¹⁴ Ayínáni dñjí síxí seayinjáyíné apiaú nání weninjí nero nñjwearo nání Goríxo píraninjí nñwayíronirane njweanjagwi oneaniniri ríwí síwíá miyí “Amipí bi nání ríá míméarinípa nerane íkwíráinjí síyikwí míní éwanigini.” niyaiwiro niyuniro érixini. ¹⁵ E neróná negí Ámináo anjini ámi mñweapí yóminjí yarinjipi nání re yaiwírixini, “Ámá obaxíyo yeáyí uyimíxemeámániri yarini.” yaiwírixini. Negí nñrixímeáo Poro ení dñjí émí saímí monjí Goríxo síxí umímonjípimi dáni nñiri ríwaminjí nearíná axípi rípiniinjí nñiri nearí seamónapinjí enjagi nání e yaiwírixini. ¹⁶ Payí o earinjíyí nñi

apí nání ení axípi níriri eaaríñírini. Xwiyá payí ayo eáníñíyí wí sñání mipímóníñagí nání apaxí mé nījá imónipaxí mimónini. Ámá majá níkáriníro dñí bí bí momearígfáyí xwiyá apí ikweakwímí níríro rarígfárini. Xwiyá Gorixoyá Bíkwyó riniñíyí ámí wí ení ikweakwímí níríro xenwíní níririñípimi dání sá yoparíyi imóníñe nání ría meárinarígfárini. ¹⁷ Ayínáni dñí síxí seayíñáyíné, apí nání seyíné ríxa nījá imóníñagía nání ámá ría xearímíxarígfáyí sípí nero xenwímíní waríná seyíné ení axípi éwapígfí iníro Jisasomí dñí níwíkwíroro síkíkíñíñí onígfáyíné piéroro epíríxíníri awíníñí rónííríxíní. ¹⁸ Niaíwí apíroaríñípa axípi seyíné ámáyo ayá urímíxarígfápi xwé napíróa urí nījá negí Áminá Jisasi Kiraiso, yeáyí neayímíxemeaaríño nání imónígfápi apí ení xwé napíróa urí éwínígní. Agwí rínáraní, ná ríwíyoraní, omí aníñí íníná seáyí e uméwanígní. “E éwanígní.” nimónariní.

Xwiyáá Gorixoyá Sinípírini
The New Testament in the Ankave language of Papua
New Guinea
Nupela Testamen long tokples Angave long Niugini

copyright © 1990 Wycliffe Bible Translators, Inc.

Language: Angave (Ankave)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-03

PDF generated using Haiola and XeLaTeX on 11 Nov 2022 from source files dated 9 Oct 2020

7a156761-2cde-5bbc-8428-650a73434051